

**JAVNO KOMUNALNO PREDUZEĆE
„VODOVOD I KANALIZACIJA“ d.o.o.
SANSKI MOST**

Na osnovu Odluke Nadzornog odbora JKP „Vodovod i kanalizacija“ d.o.o. Sanski Most o davanju saglasnosti za prodaju i raspisivanju Javnog poziva za prodaju liveno željeznih cijevi putem prikupljanja pismenih ponuda, broj 05-952/22 od 30.05.2022. godine, direktor JKP „Vodovod i kanalizacija“ d.o.o. Sanski Most dana 16.11.2022. godine, raspisuje

**Javni poziv
za prodaju liveno željeznih cijevi putem
prikupljanja pismenih ponuda**

I Predmet poziva

Predmet poziva je prikupljanje i odabir najpovoljnije ponude za prodaju liveno željeznih cijevi JKP „Vodovod i kanalizacija“ d.o.o. Sanski Most, putem pribavljanja pismenih ponuda, prema početnoj cijeni i tehničkih karakteristika datih u tabelarnom prikazu:

PODACI O CIJEVIMA

Redni broj	Naziv artikla	Jedinica mjere	Količina	Masa (kg)
1.	Liveno željezna vodovodna cijev-fi 500 (Φ)	kom	81	45.360
2.	Liveno željezna vodovodna cijev-fi 450(Φ)	kom	6	2.760
3.	Liveno željezna vodovodna cijev-fi 400(Φ)	kom	6	2.280
4.	Liveno željezna vodovodna cijev-fi 80/fi100(Φ)	kom	80	6.400
5.	Ostalo otpadno željezo	kom	1	1.000

Ukupna početna cijena sa PDV-om iznosi 28.000,00 KM.

II Uslovi za učešće

– Pravo učešća imaju fizička i pravna lica koja su registrovana za otkup sekundarnih sirovina i koja ponude iznos prodajne cijene odnosno početni iznos od 28.000,00 KM sa PDV-om.

III Sadržaj ponude

Ponuda mora da sadrži:

- Pismo ponude na memorandumu ponuđača sa nazivom, tačnom adresom, ID brojem (ukoliko ste PDV obveznik potrebna je ovjerena fotokopija uvjerenja o PDV registraciji, ukoliko niste ovjerenu pismenu izjavu da niste u sistemu PDV-a, ne starija od tri mjeseca od dana objave Javnog poziva),
- Izvod iz sudskog registra (za pravna lica) ili Rješenje (odobrenje za rad) za fizička lica, odnosno ovjerenu fotokopiju istog, ne starije od tri mjeseca od dana objave Javnog poziva,
- Ovjerenu kopiju važeće dozvole za upravljanje otpadom ili okolinska dozvola ili saglasnost o oslobađanju obaveza pribavljanja dozvole izdate od strane nadležnog ministarstva ili izjava ponuđača ovjerena od strane nadležnog organa,

- Potvrdu o uplati depozita u iznosu od 10% od ukupne početne prodajne cijene na račun rashoda broj 1990440003144935 kod Sparkasse Bank dd Sarajevo, sa naznakom: Uplata depozita za učešće po javnom pozivu,
- Ime i prezime osobe ovlaštene od strane odgovornog lica za učešće na prodaji putem pribavljanja pismenih ponuda,
- Ukupnu cijenu ponude (sa PDV-om) izraženo u KM,
- Ovjerenu Izjavu ponuđača da prihvata rok odvoza cijevi – 5 dana po izvršenoj uplati ugovorene cijene i uz potpis zapisnika o primopredaji cijevi,
- Ovjerenu Izjavu kojom se ponuđač obavezuje da će, ukoliko bude izabran, izvršiti uplatu ukupno ugovorenog iznosa u roku od 5 dana od dana potpisivanja ugovora,
- Opciju ponude: 30 dana,
- Potpis i pečat.

IV NAČIN PRODAJE

Prodaja cijevi se vrši putem zatvorenih pismenih ponuda. Svi zainteresirani potencijalni kupci mogu pogledati predmet prodaje svakim radnim danom u vremenu od 09:00-13:00 sati uz obaveznu prethodnu najavu dolaska na broj telefona 037/685-067.

Sve informacije mogu se dobiti na telefon 037/685-067.

Prodaja gore navedenih cijevi će se vršiti po principu viđeno kupljeno, te se naknadne reklamacije neće uvažavati.

Prodaja će se izvršiti u grupi sredstava u cjelini, isključena je pojedinačna prodaja.

Cijevi se preuzimaju u roku od 5 (pet) dana od dana potpisivanja ugovora o kupoprodaji.

Nepotpune i neblagovremene ponude neće se razmatrati i njihovi ponuđači ne mogu prisustvovati javnom otvaranju ponuda.

V ROK ZA DOSTAVU PONUDA

Rok za dostavu ponuda je 23.11.2022. godine do 12:00 sati.

Javno otvaranje ponuda održat će se dana 23.11.2022. godine s početkom u 12:15 sati u prostorijama uprave preduzeća u ul. Meše Selimovića bb, Sanski Most.

Otvaranju ponuda mogu sudjelovati ponuđači koji su dostavili ponudu za javni poziv i njihovi ovlašteni predstavnici, na osnovu dostavljene punomoći.

Javni poziv biće objavljen na web stranici preduzeća www.vik-sm.ba.

VI OCJENA PONUDA

Kriterij za vrednovanje ponuda je najveća ponuđena cijena, a u slučaju iste cijene prednost se daje ponuđaču koji je ranije dostavio ponudu za kupnju po datumu i vremenu prijemnog štambilja pisarnice preduzeća.

VII DODATNE INFORMACIJE

Kupac sa najvećom ponuđenom cijenom će sklopiti kupoprodajni ugovor sa prodavcem, te je dužan uplatiti kupoprodajnu cijenu na račun prihoda – ostalo, broj 1990440003144935 kod Sparkasse Bank dd Sarajevo u roku od pet (5) dana nakon sklapanja ugovora, a u svakom slučaju prije preuzimanja cijevi koje su predmet sklopljenog ugovora.

Troškove transporta i ostale troškove snosi kupac.

Prodavac će nakon obostrano potpisanog ugovora ispostaviti fakturu za kupljene cijevi u skladu sa Zakonom o PDV-u.

Da bi Javni poziv za prikupljanje ponuda bio uspješan mora biti dostavljena najmanje jedna prihvatljiva ponuda.

Ukoliko ponuđač sa najvećom ponuđenom cijenom ne uplati iznos prodajne cijene u roku, ugovor o kupoprodaji postaje nevažeći, te gubi pravo na povrat uplaćenog depozita. U tom slučaju, kupcem se proglašava naredni najbolji ponuđač koji je zadovoljio uslove prodaje.

Predaja cijevi kupcu izvršit će se u krugu Postrojenja za preradu pitke vode u ulici Prvomajska bb, Sanski Most, po uplati ugovorene cijene i uz potpis zapisnika o primopredaji cijevi.

JKP „Vodovod i Kanalizacija“ d.o.o. Sanski Most zadržava pravo da ne prihvati niti jednu ponudu ili da poništi Javni poziv prije potpisivanja Ugovora i o tome ne snosi nikakvu odgovornost prema ponuđačima.

VIII PODNOŠENJE PONUDA

Ponude sa pratećom dokumentacijom podnose se u zatvorenoj koverti lično ili putem pošte sa naznakom „**PONUDA ZA OTKUP CIJEVI**“ na adresu JKP „Vodovod i Kanalizacija“ d.o.o. Sanski Most, ul. Meše Selimovića bb, Sanski Most. Na zadnjoj strani koverta mora biti navedeno: Naziv i adresa ponuđača.

IX PRILOG

Fotografije cijevi

 Direktor
mr₃ sci. Mensur Islamović, dipl. pravnik

Broj: 02-01-2247/22

Datum: 16.11.2022. godine